


浙行偶記





浙行偶紀

古歙 程嘉燧 孟陽

余於辛卯二月丁刻夜發抵餘杭城下明日昇籃輿過城之西門道左見溪水甚清深問昇夫云是茗溪從天目來道遠迤隱起若隄右平田左波澤澤中多蓮芰至陂皆臨溪田亦帶山沿陂多深松美篠遠山色若翠羽時出松杪稍前竹並緜密路屈曲竹中如行甬道竹光娟娟襲人有溝水帶之或鳴或止與竹聲亂鏗錚可聽幾十餘里徑折竹窮復與溪會溪亦深闊道行溪之右皆高岬溪流所激齧多崩圻樹根時踞頽岬半迸出水上偃蹇離奇多桑多烏桕溪左皆平沙廣隰松竹深秀桃柳始華時見人家隱林間估客乘筏順流下悠然如行鏡中溪流曲折明滅逶水窮處爰有高山入雲黛色欲滴與叢林交青深溪合翠森沈蒨蔓警神沁目蓋至青山亭而道折背溪行山間至十錦亭大溪橋乃復隄溪則已次臨安橋以石頭壯橋上四望皆山采翠翔翥誠所謂龍飛鳳舞者也馬首一山形若案上有浮圖為石鏡山一曰衣鏡山吳越王歸燕父老處山林皆蒙以錦故今有十錦亭道傍竹林中有化城寺會天雨急趨臨安郡按餘杭有大滌山有金堂玉室為第三十四洞天又有天柱山居福地之五十七是日意於空際或一觀焉然昇夫野人莫能指其處也

既雨宿臨安郡中明發遂行雲氣淋漓衣袂皆潤至九州山路

緣崖屈曲上下小溪繞山足苔溪亦相映帶而稍遠俯察水涯
楓檉叢生溪得雨乍漲洄縈林間仰視崖樹宿雨滴瀝數里外
人家林木翳然晨煙如縷明滅遠上半入雲霧屢迴不覺旋至
其地又前為一泉山有泉懸石上旁有石磴聞上有佛寺山麓
犬牙迴互水木益攢簇至藻溪遂入於潛境水皆分流其中聚
為山市散為遠村疎數出沒曲有異趣凡若干里道左臨溪故
双溪之下流也望見九里橋山巒岑秀松柏楸楠蒙籠其上人
家倚薄其下危橋淺沙馬渡沙際人行樹間暮色晦靄宛在畫
中又一二里抵於潛明日遊觀山亭午始就道時余露醉輿中
勝槩已失其十九至羅嶺不甚高峻然有闕踞其隘其上逶迤

旁見林塢其下陡陘迴俯縣邑山縣無城其大不能當歛之聚
落然溪谷特迴合縣東石橋亦壯縣南隔溪小山岸萼上有古
刹皆足寓目薄暮獨南行溪水上觀寺閣復東渡石橋讀山下
古碑碑載縣沿革甚詳惜好事者未嘗至也故記之

出昌化之西門門跨兩山之間甃以石甃上有睥睨路緣崖行
甚仄崖石岷巒傍臨大溪中有堰蓄水灌水畚溪流上平若鑑
其下濺沫飛白聲亦載路少前有村曰西晚隔岸一山峰石廉
峭狀如英石皴剝甚麗其地多漆多棗多棕櫚桃梨始華時照
籃輿又前至瀨子溪下輿從板橋渡溪流觸石四迸倒注泌澗
軼越潏涌跳號橋為之撼從橋隙望見驚掉心目其水聞出績

溪縣又前過柱溪橋其勢遂殺越華光三跳二嶺至泥脫嶺渡
乘小舟渡舟可受四五人時日色射水底晶瑩的皪沙石五色
如霞綺淘金漾碧亦異觀也又四望山翠萬疊如城近而脩者
如龍蛇之飲於溪或於駭獸臨河躑躅而却走遠者如連山之
濤噴薄離漸千派萬落或暎若翠羽或澹若碧衣之蒙霧綃殆
無以窮其狀既渡乃飯於大柳舖又若干里至五聖橋路緣崖
斗折下臨澄溪十餘丈路險仄高下岸間松檉玲瓏蔭溪路時
出其杪有廟閣嵌絕壁下臨崩崖橋所由名也橋已圯今從上
流一二里渡橋下水激激石間水楊蒙冪其上隔岸有平疇春
華爛然遠山益層疊攢矗若回巧呈異於險仄之境者又前有
大冥山十餘峰尤峭削如卓筆更薄暮過車盤山嶺嶺高四五
里在層山中不能絕出也

自淳安縣而下溪濶可四五里兩崖多頽岬高一二丈或時有
小山臨岸遠者去數里蓋山夷水舒曠如也凡若干里而見兩
山如闕溪迴入其間舟行匿中其右一山皆精石嶙峋苔繡丹
碧如霞峰首甚萃律其後數峰沂流擁之後絕頂墮一峰俯溪
澗有廟踞其上下為澄潭日羅山潭循山趾行可一二里馬名
廟出焉廟前有石如馬藤蘿覆其上不知為何神也又若干里
而為合溪浦有山壁立繚亘如城石半作鍊色亦將盡一峰皴
文具五采時方晝舖坐舫間觀潭水如展鏡浸濯峰趾倒影沈

碧菖蒲藤樹披拂涯涘悠然歷之疑非人間也其下有湍忘其名時溪稍折而右其左一峰高數仞衡倍之皴理與前埒而多草樹芊蕞石罅間形正圓如月半出月上最奇其下復有密山岩岩嶄然嵌空其高可數百仞山形亞缺如朽株其理皆衡旋舟徐移其下山勢側出凹凸亦異狀中稍斷為陘按山形如堂者曰密豈窪缺處形肖堂堂與其石大都瓦裂冰坼參錯骨立或瑣碎攢象如鳥獸器物之形者不可勝計時微雨自遠至過乳香潭潭壁亦奇麗晦冥不可辨矣

此從孟陽墨蹟錄出蓋書於萬曆辛卯春月乃其早年作也虞山蒙叟生平服膺孟陽譽不去口幸其癸未已沒不見革命干戈之慘設稍遲未死蒙叟必先首列之薦牘不得稱為明之詩人矣吁咸豐辛酉八月朔日芷翁記

西藏紀聞

缺名

先君官蜀時於嘉慶三年冬于役西藏管理銀錢局務兼拉里糧務藏中相傳即唐僧三藏取經之地距川省九千七百餘里前藏至後藏又有四千八百餘里其間怪：奇：類多荒渺方語亦非華言可悉過青城縣有火炬山及唐三藏齊天大聖豬八戒廟因世俗所演西游記而裝點者出打箭爐則兩山聳立高千餘丈峯半有石橋一道為猿猴下飲之處由打箭爐渡河名尖城者華夷於此分界其地無屋宇內地官府至此與侍從兵役均住蒙古包檢牛馬矢以為饜婦女年少者與丁役接聽其各自選擇中選者即交喀一條入帳偶合婦女之父母為宰烏拉也牛叫蟲也羊用展耙

西藏紀聞

即青

及紅

牛羊奶和餅紅酒也

以饜之如生男聽所歡攜回生女其婦襁負

不離恐所歡東歸時不留骨於藏囊壓以死也由尖城十餘日至三立國其人呼天為亮呼地為泥巴浪送的呼官為破本跟役為本頭呼兵為打本人不衣褲食青稞牛羊青稞即展耙也由三立國十餘日至光頭地皆童山無草木煙火嘗有夜叉出沒官兵過此共十餘站設水城以防露宿疑即古夜叉國也由光頭二十餘日至里塘新添有文職一員管理糧務武弁數員兵三千地產五穀田畝膏腴居民殷富類樂土者惟多夾堤也盜為害耳由里塘半月至丹達山上有丹達廟相傳昔時通判名丹達者解餉至此踏雪度嶺騎滑墮藉救護落坑死卹封將軍此其神也其地山

重嶺複高插雲霄十餘站俱係雪山積歲不消即夏令亦不稍減
山無恒徑華人到此每患迷失若先禱廟神即有一犬引路隨之
便無歧誤否則跌入雪溝或凍餒於道未有能徑出者矣生其地
者人及鳥獸皆純白由其東雪性所食雪蛆故耳由丹達山三十
日至珍珠國其地出珍珠故名產米無布帛多南竹：大合抱居
人截以為飢餓或於藪澤中捕蛇數尾並蒸俟蛇口開飢亦即熟
合眾一飽即十餘日不飢其人身無衣履穿珠蔽体恒栖石洞以
避軟風也由珍珠國四十日至察木多有文職一員設立糧台武弁
數人兵四千產五穀稌稷無異內地出巴：佛號稱靈異由察木
多二十餘日至大桃地土瘠百物不生惟產桃寔大如斗居者食
以為活相傳西王母經此遺寔所植以度一方生靈云地恒少雨
其人見線雨也即哭理殊莫解由大桃地三十五日至拉里設糧台
文武各一員武弁數員兵三千地無他植惟產牛羊牡者双腎牝
者重陰用大火烹煮五日方熟入口猶齟齬未爛也由拉里十八
日至蛇人地無土著惟產蛇人：首蛇身食獸及樹皮為活性畏
硫黃華人經宿其地必佩一枝方保無恙由蛇人地二十八站始
達西藏有城郭周約四十里活佛廟殿居中胡都佛之丞居左僧
眾共三十六萬殿左有金山右有銀山殿宇金碧輝煌鉅麗莫比
大眾亦極富厚厝左右有駐藏大臣部署其屬設糧台官一員鑄
錢官一員銀一兩鑄錢十個武官十餘員兵一萬五千名物產甚

饒如縉縉藏香紅花猫兜眼及各色寶石以內地大黃茶葉為至寶狗大如牛婦女多隨華人選取其俗有四五人且七八人共一婦者當媾合時男置已物外餘人輒避去生育各按序齒分認焉此則羈縻所及豈復能以倫理繩之者乎

此篇從黃霽青太守家抄得題曰于樸齋述不著其名然吾里徐筆珊明府曾官拉里章京頗往來西藏以其所著行紀校之無此荒誕姑存之以資異聞時道光乙未新秋萍南老人葛繼常識於石曹山館

記衛藏事者不一家而詳略各異此篇事多失實疑皆傳聞異辭近霽青太守已刊入賢已編矣是日驚悉張統帥國梁大營已失全家殉節各郡振旅以守隘口然當事者以幕勇為兵殊可危也咸豐庚申四月初二日芷翁記

西征紀略

山東張寅曉谷

康熙五十四年三月西戎澤旺阿喇蒲坦犯我哈密

皇上震怒命諸臣分路進剿

一屯噴斯鑾儀衛董某率領一屯巴爾坤將軍席某率領又命家宰富宜

安總理軍務總督川陝鄂委州縣印官十三員軍前效用并解買驛馬

寅亦列在聞命之夕眾以余書生有難色余曰王事也何敢辭趣

裝遂行是役也押蓋屋驛馬三百五十匹併鄂縣驛一百五十頭

於六月二十九日自蓋屋城北渡河五十里至武功縣

七月初一日六十里至扶風縣踞高崗之上天原山尤為聳峻距

郭數十里積雪瑩然蘇長公喜雨亭故址在縣署中城東有班固

墓城西有伏波將軍墓馬季長絳帳邨猶在竇滔亦邑人蘇氏織

錦至今贈灸人口後裔猶存

初二日六十里至岐山縣道傍有鳳鳴岡石記俗呼鳳凰山之

北有周公禱祝處

初三日五十里至鳳翔府附郭有東湖饒林木菱芡芙蓉之勝曲

榭迴廊為遊覽勝地

初四日七十里至汧陽縣

古隴廢地

一路岡嶺絕而復通人家多密處

樹木如畫午刻至黃泥鋪稍平坦多水田汧水在縣城南傍巖西

流波明若鏡唐人詩也逼隴關寒更早雪晴汧水鴈初飛恍然目

覩矣邑西二十里為唐太尉段秀實故里

初五日九十里至隴州自汧而西皆重山溪水飛溜声出馬足之下數十里瀑々不絕

初六日一百一十里至長宜驛過隴四十里為賢義關俗呼為關山甫里許大聲發於澗底怒濤噴雪四顧峭壁千仞林木紛披咫尺間疑無路矣過北橋折而北羊腸崎嶇僅可容足龍伏水中陰氣森凜又十餘里為二橋折而南至三橋又折而北林木陰靄晝不見日馬行雲氣中視山皆下伏路傍多鸚鵡弄声如喚行人

初七日九十里至青水縣古上邦地為充國故里一路峻嶺重複人馬皆懸崖行足不履地過隴氣候漸寒七月始收麥又多種燕麥喬

麥

初八日一百里至秦州自青水六十里過丁花嶺山形陡峻曲折如盤又二十里渡渭水而西又十五里為馬跑泉尉遲敬德與觀將金牙戰於此因馬跑而得泉故名

初九日在秦州求所謂隗囂宮者已為梵寺矣北山麓有土泉觀顏曰天水一覽殿閣崢嶸松柏森秀最後為李杜祠壁間有趙子昂石刻

初十日一百二十里至伏羌縣自秦州至閔子鎮八十里山勢奇峭又四十里至伏羌朱圉山在境內

十一日一百二十里至宜遠縣兩山夾護一溪多種烟草四十里至永宜鎮過鹿門河入宜遠界稻畦千頃一片綠雲風景頗似江

絕頂俯瞰萬山鱗集足底天風豁達覺兩腋習々冷然善也過此
勢漸陂林木蔚然山花野鳥時拂行旌於林巒最深處得誌公寺
因山為洞松柏陰森景頗荒落約二十餘里至瓦崗鎮人以陶
為業山水致為幽峻過此皆荒山四十里而至蘭州為西北咽
喉北枕黃河怒濤翻浪勢如奔雷橫設浮橋鐵索聯之隨波上下
夜々欲動過橋逼臨山隈絕頂有浮圖高十餘丈數里有山嘴突
出俯瞰河流成樓上飛檐畫楹如在天半顏曰金城關過此始見
邊牆即秦漢以來長城也高下起伏如長蛇然

十九日一百一十里至若水驛四十里為沙井邑入莊浪界地枕
河流門坊有聯云回瞻鳳關五千里此去龍沙第一程顏曰金城
五路謂甘州肅州涼州宣夏西宣也又三十里入火燄山千峰林
立皆如窰土色紅綠相間無寸草滴泉飛鳥亦絕土人云唐元奘
西遊過此余昔以裨官之言為荒唐今歷此又疑為真也

二十日五十里至紅城驛自火燄來深崖窮谷無復人境至此漸
有田疇邨落過野狐鎮渡姚灣河抵紅城城郭與縣邑無殊
二十一日七十里至莊浪過紅城火燄息矣農家以水灌地碓喧
澗滿田多種黍間以胡麻枝頭始見杏熟味與中土無異麥甫登
場家自為堡商賈輻湊烟火萬家是地俱敬喇嘛

二十二日至岔口驛三十里至流沙河山流暴急中流泥沙行旅
多陷溺一橋橫卧其上時有西番居於此山脚下設皮帳寢處婦

南

十二日九十里至鞏昌府自寧遠而西循渭水之涯午過廣鹿河
值久旱山多赤焰水皆泥沙野無青草

十三日在鞏昌鞏之北郭為甘肅驛路復設重門儼如城郭重封
守也

十四日九十里至渭源縣北二十里有烏鼠同穴山一路皆赤色
近城五里有二聖祠乃伯夷叔齊廟也前臨渭水有亭上峙顏曰
一鑿池

十五日一百二十里至臨洮府依山傍河堞樓矗雲顏曰北臨嘉
峪西陲鎖鑰也北郭亦有外城如鞏昌洮水遶城西北流奔濤怒

浪千里一瀉聽居人道西傾崆峒之勝為之神往自鞏至洮二百
百里皆木片為屋即秦風板屋遺意

十六日阻雨

十七日九十里至沙泥澤屬狄道縣自鞏來層嶺迢迢形神為瘁過洮
新雨初晴山嵐水波景象頓殊

十八日一百二十里至蘭州是夜明月在庭未雞唱即促裝路轉
峰迴如入幽室行人相傍以鈴聲遠近為酌應上下山阪三十里
而東方始白又數里漸入谷中奇峰壁立仰視天光如在井底石
危若墜絕澗幽泉時作澎湃聲真奇境也亭午始見日詢之士人
云摩雲關也稍迤而東展轉直上一峰甫過一峰起十餘里始至

人衣雜色羊皮披髮赤足肩披兩瓢帶飾以哈咩銅鈴見之愕然
馬亦驚逸不能止

二十三日一百一十里至黑松晨起遙望山色瑩澈如玉峯皆嵯
岬無模稜態厓畔青松瀰漫翠色沾人不圖近塞得此勝境至鎮
羗驛寒勢漸逼為馬牙山午過烏梢嶺半登遇雨雲氣蒸然蒼茫
一片過嶺入涼州界路更崎嶇崖上洞底松柏蒼翠迥非恒境麥
猶青隴間菜花香氣彌野無異故鄉特峭逼寒人披裘竟日自
蘭來一路皆設乳茶人以羊為正食粟麥佐之多養西牛腹下毛
長數寸取以為纓其乳以為茶不堪為耕田服車用

二十四日九十里至靖邊驛自黑松至古浪衛巖厓奧曲澗水暴

五

流我鄉得此片石勺水即成勝境而置此荒涼無人之地甚為可
慨過古浪謂險峭當復如前收拾登山脚為濟勝具一出谷口山
分東西如雁翅其勢漸殺凝目西望海濶天空無片峰礙眼回思
自蓋邑來崇山峻嶺綿亘不斷今忽別有天地心目為之頓爽

二十五日七十里至涼州

州為古氏地漢武開西域設酒泉求五
張掖燉煌武威四郡涼即武威也

涼遺跡不可得惟天山高聳數十里外遙望如插雲漢唐人詩空
留一片石萬古在燕即天山也

二十六日接撫軍檄驛馬即在涼交納并令押運各員赴軍前

二十七日雨

二十八日郭外溪流瀑漲水聲如風雨驟至

二十九日游清應寺額曰五涼福地有浮圖二曰大穹曰姑洗皆高十餘丈亭：對峙

八月初一日至五日樓遲旅邸寒雨邊風鬱結殊甚

初五日東行迎新撫軍姓噶名世圖時自西安赴軍前出郭寒雨刮目

遙望天山如羣玉浮空寒光耀目眾曰此昨夜雨中雪也天山雪後海風寒乃于中秋前遇之馬首東指復至靖邊宿焉

初七日隨撫軍至涼

初八日至十四日連無事

十五日道憲何公

名廷珪蕭山人

邀賞月為憶秦時明月漢時關之句殊為悵然門生盧蓮來見盧係鎮番人鎮番近邊距涼百里即蘇武

牧羊處也盧生余甲戌分校所取士執弟子禮甚謹于黃茅白葦之鄉得此英俊如遇骨肉悲喜交集

十六日至二十日無事

二十一日奉撫軍命運糧至軍前

二十二日啟行七十里至豐樂鋪是日發運計糧千石盩邑夫役百餘人捧酒盒送道傍欷歔泣下

二十三日九十里至永昌衛古金川地南北距番境僅二十里是地羊肉如林猪肉不入口矣

二十四至二十七連日拾倉糧

二十八日七十里至永泉驛二十里過水磨關一帶亂岡二更始

達永泉空山寂麻夜色荒涼與番夷伍與虎豹鄰此身已置度外矣

二十九日五十里至峽口驛屬甘州晨起寒風刮地山頭罩雪溪水

成冰二十里至定羗廟有碑書忠勇公戰勝處碑陰記公名進寶固原州人初為甘肅提標游擊時海魯恣睢擣部落越我邊牆公奮勇擊破之自是無復飲馬長城之思總督莫疏薦擢為洪水參將洪水更逼近魯巢自公蒞任魯不敢窺邊後詣京輔欵求駐牧大草灘

皇上遣親臣往覘形勢命督撫提鎮商議可否公力持不可仍止因請城古單于城改名永固蓋大有造于地方者也後以西寧總兵陞陝西提督因平寇有功特晉奮威將軍卒于官峽口為甘之東門雙椒對舉壁岸無階有城適當其衝邊牆外即夷人黃太吉部落終夜聞馬嘶聲

九月初一日至山丹衛近城有水西流穿城而過微激見底兩岸垂楊夾護有碑書大禹導弱水處

初二日四十里至東樂過山丹二十里有山似龍形土人云此龍頭山也昔人覘此山有王氣後為識者所鑿剩一峰為燕支山秀色迎人望同默黛奪我燕支山使我婦女無顏色蓋有自也路逢驛騎進哈密瓜百千為群人執小兜上罩黃袱每人止攜一瓜瞥目而過疾如飛鳥

初三日九十里至甘州路多沙石人煙稀少甘為古張掖地河西五鎮之首城郭雄整軍民輻輳地皆平沙郭內溪水參差蒲葦交橫衢巷老樹成林皆數百年物琳宮梵宇紺碧相望有甘泉宮在古單于城南二十里近山麓泉甘木茂頗稱形勝今名永固有副總戎駐此城西北即居延海有漢金日磾故里碣

初五日七十里至沙河沙磧如山塵霾蔽日午過黑水浩淼無涯波光接天烏煙籠地如墜雲霧中

初六日八十里至高臺所近高臺十餘里風土清曠沙塵漸遠農家皆植五穀居然中土

初七日不行

初八日五十里至黑泉鹽路皆水田稻畦竟無邊塞風景

初九日五十里至深溝屬肅州出門一片風沙矣中路有寺以寺土

皆紅名紅寺斜逼黑河橫流沙磧一派荒涼之景寺額曰宏覺禪林合黎山在鎮夷所迤北數十里禹導弱水至此

初十日七十里至雙井三十里為沿池甘肅二鎮需之遠望如雪車徒負載盈路自黑泉來皆斥鹵不毛之地至雙井更乏水止二井供居人之用隨汲隨涸

十一日六十里至臨水一路藍花被地水草無蹤至臨水始見泉流稍有樹木然大槩有餘無枝

十二日四十里至肅州：東有鴛湖多野草為放牧之所厥土正

黑水色如灰近城多水碓急湍飛瀉瀑：有聲蕭為漢酒泉郡距嘉峪關七十里西陞第一門戶規模較甘涼稍隘而我馬糧橐絡繹于道居民無田可耕多列戎行慷慨質樸好勇善鬪其天性也郭內多梵寺有居延城本匈奴地瓜州城漢燉煌郡地宜禾城漢置宜禾都尉治此河州城漢初月支地武帝置燉煌郡領廣武等大縣唐改河州玉門關在河州出口九百里過玉門關五百里為陽關

亦河州境

又三危山渥洼水皆在河州

十七日自肅州啟行夜迷路絕無村煙飢寒殊甚

十八日至野馬灣距肅州四十里夜支帳野處月色微明涼風蕭颯

十九日出口至黃草營野馬灣口係邊牆暗門去嘉峪關二十里出此則不由嘉峪矣

二十日至黑山澗過峽口兩山對峙如門黑山為御馬安塘處有草名稷：勁如柴馬不能齧

二十一日六十里至回：墓泉水叢錯幽險殊甚水深碧有毒加礬煎熟去沫始可飲

二十二日七十里至赤金河過回：墓為鄯馬城有夷人處此設皮帳以皮袋盛牛羊乳為食見人恭敬奉獻通漢語云親王係黃太吉問何在曰在大皇山

二十三日在赤金河贈呂公眉詩云悵望人去層岡動遠氛馬